



INSTRUCCIÓN

CÓDIGO	I/SXP/02/21
DE:	Subdirección Xeral de Programas de Control de Riscos Ambientais para a Saúde
A:	Xefaturas Territoriais de Sanidade da Coruña, Lugo, Ourense e Pontevedra
DESTINATARIOS	Xefaturas dos Servizos de Control Riscos Ambientais da Coruña, Lugo, Ourense e Pontevedra Xefaturas das Zonas Veterinarias de Saúde Pública Persoal veterinario oficial dos matadoiros con unidades analíticas acreditadas e/ou en vías de acreditación para diagnóstico de triquina
VIXENCIA	Ata nova instrución
ASUNTO: Directrices para o persoal substituto dos veterinarios oficiais dos matadoiros con unidades analíticas integradas na rede de laboratorios de diagnóstico de triquina da Comunidade Autónoma de Galicia.	

OBXECTIVO

Esta instrución ten por obxecto establecer as directrices para os veterinarios substitutos nomeados para realizar o seu traballo nos matadoiros da Comunidade Autónoma de Galicia que contén con unidades analíticas adheridas á Rede integrada de laboratorios de diagnóstico de triquina.

ANTECEDENTES

A Orde do 26 de xaneiro de 2018 pola que se regula a Rede integrada de laboratorios de diagnóstico de triquina e o procedemento para solicitar o control sanitario da triquina nas matanzas domiciliarias de animais da especie porcina para o autoconsumo, establece que as unidades analíticas integradas na rede deberán cumprir todos os requisitos exixidos polo sistema de calidade implantado no laboratorio central do que van a depender, polo cal o persoal inspector veterinario oficial destinado nos matadoiros con unidades integradas na rede deberán posuír formación específica en triquina e na norma UNE-EN ISO /IEC 17025:2017.

Neste sentido, para organizar as substitucións deste persoal foi remitida a instrución I/SXP/01/18, de data 5 de novembro de 2019. Dado que resulta necesario actualizar a lexislación aplicable e relación de unidades analíticas integradas na rede é preciso elaborar unha nova instrución.

Esta instrución derroga a anteriormente mencionada I/SXP/01/18, de data 5 de novembro de 2019.

INSTRUCCIÓN

1. O anexo I contén a relación actualizada de matadoiros con unidades analíticas integradas na rede galega de laboratorios de diagnóstico de triquina.

2. Nestes establecementos o persoal inspector veterinario oficial posuirá formación específica en análise de triquina e na norma UNE-EN ISO /IEC 17025:2017 a través dun curso de cualificación técnica.

3. A xefatura de zona, na súa función supervisora, encargárase (no caso de persoal destinado nos matadoiros con unidades de triquina) da vixilancia do cumprimento dos requisitos de cualificación esixidos. Para axuda deste cometido, intentarase contar con varios efectivos formados en triquina na zona. Para organizar as substitucións do cadro de persoal, intentarase contar con máis dun efectivo por establecemento de xeito que poidan rotar nas vacacións e días libres.

4. En última instancia, se non hai máis dun efectivo no establecemento ou se xorden imprevistos na organización, solicitarase a substitución a través do chamamento das listas reguladas polo Decreto 60/2019, do 23 de maio, polo que se modifica o Decreto 37/2006, do 2 de marzo, polo que se regula o nomeamento de persoal interino para o desempeño con carácter transitorio de prazas reservadas a funcionarios e a contratación temporal de persoal laboral da Xunta de Galicia.

5. O persoal substituto nos matadoiros con unidades analíticas integradas na Rede tamén posuirán formación específica en triquina e na norma UNE-EN ISO/IEC 17025:2017 a través dun curso de cualificación técnica. De non ser así, o veterinario terá que facer unha cualificación interna, que consiste nunha formación tutelada por parte dun veterinario coa cualificación técnica explicando o sistema de calidade, rexistros e a técnica (cunha duración mínima dun día). Unha vez realizada esta cualificación, o veterinario titulado cubrirá "o rexistro de cualificación Interna".

Este rexistro ten validez DO CURSO DE FORMACIÓN DE TRIQUINA e tense que presentar noutros matadoiros que integren a rede e incluírase no currículo.

Cada dous anos na unidade analítica farase unha recualificación do persoal, sendo esta automática no caso de realización da técnica de forma habitual. Naqueles casos nos que o período de tempo sen realizar a técnica sexa superior a un ano, se detecten non conformidades ou resultados erróneos atribuídos a unha determinada persoa será necesario verificar, por parte dun veterinario cualificado, o desenvolvemento correcto da técnica para a súa recualificación

6. Por ter este posto un requisito específico de formación, na solicitude engadírase a lenda "*OBSERVACIÓNS : a unidade analítica do matadoiro xxxxx atópase integrada na rede de laboratorios para diagnóstico de triquina. No caso de que o persoal substituto non teña formación específica en triquina e ISO 17025, cómpre que se incorpore cunha anterioridade **dun día retribuído** para estar baixo a supervisión do persoal inspector veterinario oficial e así dar*



cumprimento á norma UNE EN ISO/IEC 17025:2017 e a Orde do 26 de xaneiro de 2018 pola que se regula a Rede integrada de laboratorios de diagnóstico de triquina e o procedemento para solicitar o control sanitario da triquina nas matanzas domiciliarias de animais da especie porcina para o autoconsumo.

No anexo II atópase un modelo de solicitude de persoal substituto.

7. Nestes matadoiros, o persoal substituto ten que **deixar copia** da seguinte documentación:

1. Nomeamento
2. Título de licenciado/a en veterinaria e *currículum vitae*, actualizado coa derradeira substitución para avaliar a necesidade de recualificación
3. Curso de Triquina ou cualificación interna
4. Declaración de salvagarda (coas siglas)
5. Rexistro de cualificación

Se xa ten feito substitucións en matadoiros co sistema de calidade implantado, levará o orixinal dos distintos formatos que lle foron feitos en anteriores substitucións (*currículum vitae*, salvagarda, cualificación), deixando unha copia no matadoiro correspondente, ao veterinario titular ou ao efectivo responsable.

Se non teñen feito substitucións en matadoiros con sistema de calidade implantado ou non lle fixeran estes rexistros nas anteriores substitucións, o veterinario do matadoiro ou veterinario cualificado designado pola xefatura de zona faralle estes documentos, quedando unha copia no matadoiro e levándose os orixinais o substituto para presentar na seguinte substitución.

Se xa estivera no matadoiro e deixara as copias, xa non ten que aportar nada, agás o *currículum* actualizado coas derradeiras substitucións

8. A xefatura de zona verificará o cumprimento dos requisitos de cualificación do persoal substituto, así como a documentación acreditativa.

LEXISLACIÓN APLICABLE

- Norma UNE EN ISO/IEC 17025:2017 Requisitos xerais para a competencia dos laboratorios de ensaio e calibración. Apartado 6.2 Persoal.
- Orde do 26 de xaneiro de 2018 pola que se regula a Rede integrada de laboratorios de diagnóstico de triquina e o procedemento para solicitar o control sanitario da triquina nas matanzas domiciliarias de animais da especie porcina para o autoconsumo
- Regulamento de execución (UE) 2015/1375 da Comisión, de 10 de agosto de 2015, polo que se establecen normas específicas para os controis oficiais da presenza de triquinas na carne.





- Regulamento de execución (UE) 2020/1478 da Comisión, de 14 de outubro de 2020, polo que se modifica o Regulamento de execución (UE) 2015/1375 no relativo á mostraxe, o método de referencia para a detección e as condicións de importación respecto ao control de triquinas.
- Regulamento (UE) 2017/625 do Parlamento Europeo e do Consello de 15 de marzo de 2017 relativo os controis e outras actividades oficiais realizados para garantir a aplicación da lexislación sobre alimento e pensos, e das normas sobre saúde e benestar dos animais, sanidade vexetal e produtos fitosanitarios e polo que se modifican varios regulamentos: Artigo 40.

Santiago de Compostela,

A subdirectora xeral de Programas de Control de Riscos Ambientais para a Saúde

Inés Mato Naveira





ANEXO I . Listado actualizado de matadoiros con unidades analíticas integradas na rede galega de laboratorios de diagnóstico de triquina. Sección I.

ZONA	COMARCA	CONCELLO	NOME	UNIDADE ANALÍTICA
A CORUÑA	A CORUÑA	A CORUÑA	CARNICEROS DE LA CORUÑA-CARNICOSA	M2
A CORUÑA	A CORUÑA	SADA	INDUSTRIAS CÁRNICAS J. TABOADA	M15
A CORUÑA	A CORUÑA	A LARACHA	CARNICAS VISTA ALEGRE S.L.	M27
A CORUÑA	CARBALLO	CARBALLO	CARNICOS DE BERGANTIÑOS, S.L.	M28
SANTIAGO	SANTIAGO	SANTIAGO	COMPOSTELANA DE CARNES	M5
FERROL	FERROL	NARÓN	MATADOIRO INDUSTRIAL CANTALARRANA	M3
NOIA	VIMIANZO	VIMIANZO	MATADOIRO COMARCAL SONEIRA-COSTA DA MORTE	M13
NOIA	RIBEIRA	RIBEIRA	MATADERO COMARCAL DE BARBANZA. DISTRIBUCIONES JOSONI, S.L.	M18
LUGO	LUGO	LUGO	MATADOIRO FRIFORÍFICO DEL LEA-FRILEA	M10
LUGO	SARRIA	SARRIA	MATADOIRO COMARCAL DE SARRIA	M19
LUGO	LUGO	TABOADA	MATADOIRO CELTAVERDE, S.L.	M20
LUGO	LUGO	RABADE	LUGO CARNE, S.L.	M29
LUGO	A FONSAGRADA	A FONSAGRADA	SALA DE DESPECE E MANIPULACIÓN CAZA (PROCIFON)	M32
BURELA	RIBADEO	RIBADEO	CARNICAS RIBADEO, S.L.	M21
BURELA	VIVEIRO	VIVEIRO	MATADOIRO EXPLOTACIONES VIVEIRO, S.L.	M22
BURELA	MONDOÑEDO	MONDOÑEDO	MATADOIRO MUNICIPAL DE MONDOÑEDO	M9
MONFORTE	QUIROGA	QUIROGA	MATADOIRO DE QUIROGA. ASOCIACIÓN CARNICEROS VALLE DO SIL	M30
MONFORTE	MONFORTE	O SAVIÑO	MATADOIRO DO SAVIÑO	M31
MONFORTE	MONFORTE	MONFORTE	MATADOIRO MAFRILEMOS, S.L.	M33
VERIN	VERÍN	VIANA DO BOLO	MATADOIRO MUNICIPAL DE VIANA DO BOLO	M7
VERIN	VERÍN	VERÍN	CÁRNICAS DE FECES	M14
O BARCO	A POBRA DE TRIVES	A POBRA DE TRIVES	MATADOIRO COMARCAL DE TRIVES. MANCOMUNIDADE DAS TERRAS DE NAVEA-BIBEI	M23
PONTEVEDRA	VILAGARCÍA	CAMBADOS	MATADOIRO DO SALNÉS. CARNICEROS ASOCIADOS DE CAMBADOS	M16
PONTEVEDRA	VILAGARCIA DE AROUSA	VILAGARCIA DE AROUSA	MONTIÑO. RAMIRO MARTINEZ (MATADOIRO MANCOMUNADO DE AROUSA)	M25
PONTEVEDRA	PONTEVEDRA	PONTEVEDRA	MATADOIRO CARNIFEX, S.L.	M26
LALIN	LALÍN	LALÍN	INDUSTRIAS FRIGORÍFICAS DEL DEZA-FRIGODEZA	M4
LALIN	LALIN	VILA DE CRUCES	EMBUTIDOS Y CARNICAS GALLEGAS, S.L. (EMCARGA)	M24
PORRIÑO	PORRIÑO	PORRIÑO	INDUSTRIAS FRIGORÍFICAS DEL LOURO-FRIGOLOURO	M1
PORRIÑO	TUI	TOMIÑO	MATADOIRO FRIGORÍFICO BAIXO MIÑO	M12





ANEXO II – Modelo de solicitude para solicitar persoal substituto nos matadoiros con unidades integradas na rede de laboratorios de diagnóstico de triquina da Comunidade Autónoma de Galicia.

Asunto: Solicitude de chamamento polas listas reguladas polo DECRETO 60/2019, do 23 de maio, polo que se modifica o Decreto 37/2006, do 2 de marzo, polo que se regula o nomeamento de persoal interino para o desempeño con carácter transitorio de prazas reservadas a funcionarios e a contratación temporal de persoal laboral da Xunta de Galicia.

É urxente e inaprazable cubrir o posto de traballo que se relaciona a continuación, polo que solicito que autorice a súa provisión polo procedemento establecido no DECRETO 60/2019, antes citado.

PROVINCIA:

ZONA:

CENTRO: Servizos Veterinarios de Saúde Pública- Matadoiro

CORPO/ESCALA: Corpo facultativo superior da Xunta de Galicia, grupo A, clase de veterinarios

DATA:

MOTIVO:

CÓDIGO DO POSTO:

DOCUMENTACIÓN ANEXA (de ser o caso):

OBSERVACIÓNS: A unidade analítica do matadoiro atópase integrada na Rede de Laboratorios de diagnóstico de triquina da Comunidade Autónoma de Galicia. No caso de que o persoal substituto non teña formación específica en triquina e na NORMA UNE-EN ISO/IEC 17025:2017, ou leve mais dun ano sen realizar a técnica, cómpre que se incorpore cunha anterioridade **dun día retribuído** para estar baixo a supervisión do persoal inspector veterinario oficial e así dar cumprimento á dita Norma e á Orde do 26 de xaneiro de 2018 pola que se regula a Rede integrada de laboratorios de diagnóstico de triquina e o procedemento para solicitar o control sanitario da triquina nas matanzas domiciliarias de animais da especie porcina para o autoconsumo

Lugar, data

O/A Xefe/a Territorial de Sanidade de

Nome Apelido1 Apelido2

XESTIÓN DE LISTAS DE CONTRATACIÓN TEMPORAL

DELEGACIÓN TERRITORIAL DE FACENDA E ADMINISTRACIÓN PÚBLICA DE

F-07-01-02

Edición 6

6 de 6

